



KA HMU THEI TA!

CHÂNGVAWN: “He mî hi ka bêl ruat a nih hi,” (*Tirhkohte 9:15, NKJV*).

Chhiar Tûr: *Tirhkohte 9:10-19; Tirhkohte Thiltih*, pp. 115-122.

A Thu Zirfîr: Pathian hmangaihna hi thim zinga eng ang a ni.

Thil engmah han hmuh theih miah loh tur chu han suangtuah teh. A thim mup vek mai a. Mi sawi Taţang chauhvîn chhun a ni nge zan ani ta ang la. Ni thum chung zet chu Saula chuan engmah a hmu thei lo va. Ni thum ral hnu a thil awmdan hre turin han chhiar zawm zel teh le.

SAULA chu Juda inah chuan ngawi rengin a ţu ran mai a. Amah chu a hlauhawm hmel loh hle a, a thu hmel bawk hek lo. Ni thum ral hmaa midangte thu pe kual veltu pawh kha ang tawh lo. Ngawi rengin, lu kun lapin a ţu a. A hun zawng zawng chu ţawngţai nan a hmang a.

ţawngţaina chhan tur a ngah kher mai! Ngaihdam dilin a ţawngţai ngei a rinawm. Kristian a tihduhdah te a ngaihtuah chhuah chuan a ţim ur ur thei hial a! Chhandam a nih avang erawh chuan LALPA hnenah lawmthu a hrilh mawlh mawlh a, fakna hla a sa a sa bawk a. Damaska khaw kawnga hring hrana Isua a hmuh a han ngaihtuah chhuah phei chuan a la mur sung sung thei bawk a. Khatih lai kha a ngaihtuah chhuakin a ngaihtuah nawn a ngaihtuah nawn a.

Juda leh a chhungte chuan Saula chu eitur chi hrang hrang an chhawp a, mahse ei zai reng a rel lo. In tur lam takngial pawh engmah a in duh lo va. A tawpah phei chuan inngaihtuahna hun an pe ta tawp a.

Damaska khuaah chuan thu a thang darh chak hle a. Saula a lo thleng! Saula, Kristiante vaitu kha! Ringtute pawh chuan a lokal tur thu chu an lo hre lawk daih tawh a, tunah phei chuan khaw chhungah a awm tawh lehnghal. Mahse Juda inah a ţu reng e an ti bawk si. Thu a thang dan chuan a mit a del thut a ni awm leh nghal. Naupang chhia ang maiin khawpuIn chhûngah kaih luh a ni tihte pawh mipuite chuan an lo hre leh zel a! Thil danglam tak eng emaw chu a thleng Chiang a ni! Mahse eng thil tak nge thleng tih erawh tuman an hre lo.





Saulan Lalpa a hmuh hnuah ni thum lai a liam ta. Tichuan, Isua zuitu pakhat Anania hnenah inlarna a lo thleng a. A hnenah LALPA a lo inlar a, “Ngil an tih kawthlerah chuan va kal ta la. Juda an tih in va zawng chhuak ang che u. Tarsa khua ami a hming Saula an tih chu va zawng la. Tunah hian chu inah chuan tawngtaiin hun a hmang mek a ni. Saula chu a mit a del a. Inlarna, mumang a nei mek a ni. A inlarna hmuhah chuan mi pakhat a hming Anania a hnenah a kal a. Anania chuan Saula luchungah a kut a ngat a nga. Tichuan a mit a lo var leh ang,” tiin.

Anania chu a zam hle a, a awm viau tho mai. “LALPA, mi tam takin hemi chungchang hi min lo hrilh tawh a. Jerusalema i mite chungah thil rapthlak tak tak a ti a ni. Tunah Damaska khua lo thleng a.

Nangmah chibai buktute zawng zawng man theihna puithiam lalberin a pe nghe nge a sin,” a ti a.

LALPA chuan Anania hnenah a thusawi chu a han sawifiah leh zual a. “Kal mai rawh! Hna pawimawh tak thawk turin Saula chu ka thleng tawh a ni. Juda mi nilo te hnenah Ka chanchin hi a la hril dawn a, lal hnenah te, leh Israel mite hnen ngeiah pawh a la hril bawk ang,” a ti a.

Anania chuan LALPA thu chu a awih a. Zawi muangin Ngil an tih kawthlerah chuan a kal thla hnak hnak a. Chung lama chhumte chu a thlir a, a vela mi phu mur murte pawh chu a thlek kual bawk a. Engkim mai chu a pangngai viau mai si. Anania chuan a lu a thing nar nar a. Engkim mai chu pangngai lo tak vek an ni. LALPA hnen atangin inlarna hmu zo chauh a ni a! Tichuan tunah mi tihbaiawi Saula, tunah LALPAN ringtu a ni ve ta e a tih hmu turin a kal mek bawk a! Chu chu nunphung pangngai a ni lo reng reng.

Anania chuan Juda in chu a va zawng chhuak a. Saula ngawi renga engmah hmuthei lova, amah lo nghak reng tu chu a va hmu a. Anania chuan a khawngaih ta em em a. Saula luchungah chuan a kut a ngat a. “Unau duhtak Saul, Lalpan min rawn tir a. Ani chu he hmun i rawn kalna kawng a i hmuha kha a ni. Ilo hmuh leh theihna turin leh Thlarau Thianghlina i lo khah theihna turin i hnenah min tir a ni e,” a ti a.

Chu ve leh Saula mit atang chuan puhlip ang mai hi thi la tawp a. A hmu leh thei ta! Saula chuan baptisma chan a ngen nghal a. Thil ei leh in phawt pawh a duh lo. Ni e, Pathianin Saula chu a ko. Anania pawh a ko bawk a. Anni pahnih chuan a dam chung zawng LALPA rawng an bawl dawn a ni.

TIHTÛR

Sabbath

- In chhungte nen vawiin chawhnu a kal chhuak turin ruahmanna siam teh u. Saula'n Anania awmna a panlai ang khan in chan ula, engtin nge in kal ang? A nih loh pawhin, Isua hmu tura kal angin in ngai teh. Engtin nge in kal ang? Chu chuan engnge danglamna a siam?
- Isua a lo kal leh tep tawh avangin lawmthu sawi ang che u.

Sunday

- *Tirhkohte 9:10-19* hi in chhungte nen chhiarin sawiho teh u. Heng chang a tangte hian engnge in chhungin in zirtheih?
- Eng chi hrang chi ruk ziaik ula, tah chuan in chângvawn kha thumalte tein in ziaik dawn nia. In thu ziahho kha chepthla ula, chawhpawlh vel ula, a nihdan tur angin remtha leh rawh u. Hemi hmang hian in chhungte chu zirtir ula, chuan Pathian hnenah a khawngaihna midangte hrilhtu hmanrua a in tan theih nan dil rawh u.
- Hei hi thimthama tih chi a ni. Eng kha timit ula, in thuamnaw kha hak emaw phelh han tum teh u. In thuamnaw phelh kha dahthat emaw zawn emaw a awl em?

Thawhtannî

- *Tirhkohte 22:11-21* hi in chhông inkhawm laiin chhiarin sawiho teh u. He changah hian engnge pawimawh ber? In mit kha tuamtir ula, mi tu emaw hnenah thil pathum a duh duh pe tur che in ti rawh u. Engnge an nih in hrethei em?
- Mitdelho hawrrawp chanchin hi hriat han tum teh. An dictionary, pin leh paper chhah tak hmangin in hmingziah tum rawh u. In kut hmangin thil in chhiar ve thei em?
- In mit a thilmawi tak tak in hmuh theih avangin lawmthu sawi ang che u.

Thawhlehnî

- *1 Petera 2:9* hi in chhông inkhawm laiin chhiarin sawiho teh u. Enga koh tih hi engnge awmzia? Eng ti thimin, an vai khan mawmbati pe theuh rawh u. In nu emaw in pa kha eng chhittir ula, chuan a mawmbati kha ti eng se, eng ang velin nge a en le. Tunah a in dawt in han ti eng diat diat teh u, engtin nge a lo awm tak? Light kha ti eng leh tawh ula, engnge a danglamna? Hetiang a tih hi Pathian hmangaihna thehdarh nen engnge a inanna?
- 'Ka engte tak te hi' tih hla hi in tanngtai hmain sa teh u.

Nilainî

- *Marka 4:21, 22* hi in chhôngte nen chhiarho teh u. Mawmbati chhi ula, bura in khuhphui tlatin, enge lo thleng. Bura mawmbati khuh kha, mi tu emaw chanchintha hrilhdarh ve lo nen engnge an inanna?
- Tanngtai hmain in chângvawn kha ennawn leh teh u.
- In nute bulah 'traffic eng rawng' chhang i siamtheih leh theihloh thu han zawt teh u. A theih chuan, in chhang siam kha cream ahringte, a engte leh a sente in chei rawh u.

Ninganî

- In zirlaia thawnthu kha chhung inkhawmin chhiar teh u. Anania kha Saula bula kal hlau hle mahse, a kal ta tho. Engvang nge? *Joshua 1:9* a Pathianin mitin te hnenah a thutiam kha chhiar rawh u.
- A chanhin sikulah miten min tiduhdah thin a. Chumi tih reh dan chu chhung inkhawm laiin sawiho teh u. Mi pahnih hnenah hetiang an tawh changa an lo dawnsawn dan zawt rawh u.
- In hmelhriat hunkhirh tak tawk tan tanngtai sak ang che u.


Zirtâwpnî

- *Tirhkohte 9:10-19* in chhông inkhawm laiin chhiarin sawiho ula, chuan chang bawk rawh u. He chang a tangin nangni leh in chhungte hian eng zirlai pawimawh tak nge in zirchhuah? In chângvawn kha sawiho teh u. Pathian hmanrua thlan zingami in ni ve em? Chu chu engtin nge a nih theih?
- In hla duhzawng sa ula, chuan Bible, a thu in ziahna min pek avangin lawmthu sawi rawh u. Chawlhni min pek avangin lawmthu in sawi bawk dawn nia.

PUZZLE

KA HMU THEI TÂ!

KÀWHHMÛHNA: A hnuaiá vowel hawrawp hrang hrangte hi a ðûl dang ang zêla a hnuaiá âwlah hian zêh tûr a ni. Hmùh chhuah i tùm tûr chu ‘God’s love is like a light in darkness’ tih a ni ang. Chutiang tûr chuan dàh dik han túm dâwn teh le



Pathian hmangaihna chu thím zînga êng ang a ni!